



Aruba ta pendiente pa e prome gran anochi di e di 5 temporada di Sparkling Tour 2009



Ya caba Aruba a sera conoci cu e 25 finalistanan oficial di Sparkling Tour 2009.

Tur cos ya caba a cuminsa tanto pa e organisacion como tambe e participantenan. Pa e prome anochi e participantenan mes a escohe nan cancion y pa cu esaki a ricibi tambe seminario di tanto Sra. Maybeline Arends-Croes y Sr. Hildward Croes, dos musico profesional cu a duna e participantenan hopi conseho pa cu nan cancion. Ademas cada participante a haya sa nan tono di voz serca Sra. Maybeline Arends-Croes kende a test cada participante nan stem. E participantenan a ricibi tambe seminario di Sr. Freddy Montoya, acompaña pa Sra. Fatme Rigaud y Sra. Raquel Lampe, kendenan a papia di stage performance, uso di improvisacion riba escenario a base di ritmo y tempo musical, y e miedo cu participantenan por haya na momento di subi escenario.

E participantenan ta sigi nan Tour den Sparkling Tour y pesey mes cada biah nan ta haya sa mas di television. Y como cu nan ta artista di Sparkling Tour 2009, nan a sera conoci cu nan maquilladornan profesional pa tur 3 gran anochi cu ta den man di e expertonan di Beauty Team.

Mirando cu Sparkling Tour ta un Tour di 2 luna largo, e muchanan a saca potret tambe cu un fotografo profesional kende ta Luis Mejia, pa asina aki sali den corant, flyers, riba website y na Telearuba hunto cu nan number di SMS.

Por ultimo e participantenan di Sparkling Tour 2009 kier a invita henter Aruba pa bin participa hunto cu nan diasabra awo 04 di Juli 2009 na e Fun Walk di Aruba Way Foundation pa asina aki aporta na dos fundacion cu ta yuda Nos Muchanan.

Tambe nos kier a corda abo televidente pa sintonisa tur diaranson pa 9or di anochi nos programa: "Na caminda pa Sparkling Tour 2009", caminda bo ta haya TUR informacion y di e forma aki sigi e participantenan di serca. Wak pa bo ta cla pa e prome gran anochi di Sparkling 12 di Juli 2009 den Aruba Entertainment Center.